

KANTON SARAJEVO

SKUPŠTINA KANTONA SARAJEVO

NAROD I PRAVDA

Danijela Kristić, zastupnica

MINISTARSTVO ZDRAVSTVA KS

KLINIČKI CENTAR UNIVERZITETA U KS

PREDMET: INICIJATIVA

Ovim putem podnosim inicijativu da se u budžetu za 2026.godinu obezbjede sredstva za opremanje kabineta za TheraSuit terapiju.

Ovom inicijativom predlaže se realizacija projekta opremanja kabineta za TheraSuit terapiju u okviru Pedijatrijske klinike KCUS, koji bi obuhvatao:

- edukaciju zdravstvenog kadra za primjenu TheraSuit terapije,
- nabavku TheraSuit odijela za djecu uzrasta od 1 do 15 godina,
- nabavku Universal Exercise Unit (UEU) – kaveza („Paukove mreže“),
- elastične trake i sajle različitih jačina,
- ploče sa utezima (opciono),
- specijalizirane sprave za vježbanje (lopte, trake, valjci),
- terapijske strunjače i prateću opremu.

Obrazloženje:

TheraSuit terapija predstavlja intenzivni neurofunkcionalni rehabilitacijski program namijenjen pacijentima sa neuromotornim poremećajima. Metoda se zasniva na korištenju posebno dizajniranog elastičnog odijela u kombinaciji sa ciljanim i intenzivnim vježbama, koje se izvode uz pomoć specijalizirane opreme.

Primjenom TheraSuit sistema postiže se:

- poboljšanje proprioceptivnog osjeta,
- korekcija patoloških obrazaca kretanja,
- unapređenje posture tijela,
- povećanje mišićne snage i izdržljivosti,
- bolja kontrola ravnoteže i koordinacije.

TheraSuit terapija se posebno preporučuje kod djece sa hipotonijom, cerebralnom paralizom, traumatskim povredama mozga, poremećajima centralnog nervnog sistema, mišićnim distrofijama, kao i kod djece sa značajnim poteškoćama u motoričkoj kontroli i mobilnosti.

Uvođenjem ove terapije u okviru Pedijatrijske klinike KCUS omogućilo bi se da djeca dobiju savremenu, intenzivnu i stručno vođenu rehabilitaciju u svom gradu, bez potrebe za odlascima u inostranstvo.

Trenutni kapaciteti i opremljenost jedinica koje se bave rehabilitacijom djece nisu u potpunosti usklađeni sa realnim potrebama, imajući u vidu stalni porast broja djece kojima je potrebna intenzivna i specijalizirana rehabilitacija. Zbog toga su roditelji često primorani da samostalno traže terapijske opcije van Bosne i Hercegovine, najčešće u zemljama regiona, što iziskuje značajna finansijska sredstva, organizacione napore, bolovanja roditelja i dodatni stres za dijete.

Sarajevo 16.12.2025.godine

Zastupnica u Skupštini KS

Danijela Kristić